

Забидий / ВАҲИЙНИНГ БОШЛАНИШИ КИТОБИ / 1344-ҳадис

3245/1344 – وَعَنْهُ رَضِيَ اللَّهُ عَنْهُ فِي رِوَايَةٍ: قَالَ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: وَالَّذِينَ

عَلَىٰ إِثْرِهِمْ كَأَشَدِّ كَوْبٍ إِضَاءَةً، قَلْبُهُمْ عَلَىٰ قَلْبِ رَجُلٍ وَاحِدٍ، لَا إِخْتِلَافَ بَيْنَهُمْ وَلَا تَبَاغُضَ،

لِكُلِّ أَمْرٍ مِنْهُمْ زَوْجَتَانِ، كُلُّ وَاحِدَةٍ مِنْهُمَا يُرَىٰ مُخُّ سَاقِهَا مِنْ وَرَاءِ لَحْمِهَا مِنَ الْحُسْنِ، يُسَبِّحُونَ

اللَّهُ بُكْرَةً وَعَشِيًّا، وَلَا يَسْتَقْمُونَ، وَلَا يَمْتَحِطُونَ. وَذَكَرَ بَاقِيَ الْحَدِيثِ.

1344A.3245. Абу Хурайра розияллоху анхудан ривоят қилинади:

«Расулуллоҳ соллаллоху алайҳи васаллам шундай дедилар: **«Жаннатга кирадиган биринчи жамоанинг кўриниши ой тўлган кечадаги тўлин ойдек бўлади. Улар у ерда тупуришмайди ҳам, бурун ҳам қоқишмайди, қазои ҳожат ҳам қилишмайди. У ерда уларнинг идишлари тилла, тароқлари тиллаю кумушдан, тутатқиси алувва,* терлари эса мушк бўлади. Ҳар бирларининг иккитадан жуфти ҳалоли бўлиб, гўзалликларидан гўшт тагидан болдирларининг илиги кўришиб туради.*** (Аҳли жаннатнинг) ўрталарида ихтилоф ҳам, бир-бирини ёмон кўриш ҳам йўқ. Қалблари бир қалбдек. Эртаю кеч Аллоҳга тасбеҳ айтишади».

* Алувва – хушбўйлик. «Улувва» ҳам дейилади.

* Бу ерда жаннат ҳурларининг гўзаллиги, хусусан, баданининг нақадар мусаффолиги васф қилинмоқда. Имом Термизий келтирган ривоятда «Болдирининг оқлиги етмиш қават кийим остидан ҳам кўринади...» деб ҳам тасвирланган.

Манба: hadis.islom.uz



